

**Давлат ветеринария қўмитаси раиси Б.Т.Норқобилов томонидан Тошкент вилояти  
Оққурғон туманида ўтказилган жисмоний шахслар ва юридик шахсларнинг  
вакиллари шахсий сайёр қабули юзасидан  
БАЁННОМА**

2018 йил “15” февраль

Оққурғон тумани

Давлат ветеринария қўмитаси раиси Б.Т.Норқобилов томонидан 2018 йилда шахсий сайёр қабул ўтказиши тўғрисидаги Ўзбекистон Республикаси Давлат ветеринария қўмитаси раиси томонидан тасдиқланган жадвалга мувофиқ 2018 йил 15 февраль куни Тошкент вилоятининг Оққурғон туманида Тошкент вилояти ветеринария бошқармаси, Тошкент вилояти Ҳайвонлар касалликлари ва озиқ-овқат маҳсулотлари хавфсизлиги ташхис маркази, Оққурғон туман ветеринария бўлими ва Оққурғон тумани Ҳайвонлар касалликлари ва озиқ-овқат маҳсулотлари хавфсизлиги ташхис маркази ходимлари ҳамда туманда яшовчи бир гуруҳ жисмоний шахслар ва юридик шахсларнинг вакиллари қабул қилинди.

Шахсий сайёр қабул ўтказилиши тўғрисида Оққурғон туман ҳокимига маълумот берилиб, туман Халқ қабулхонаси биносида ташкил этилди. Қабулда Оққурғон туман Халқ қабулхонаси раҳбари Б.Т.Турғунов, Тошкент вилояти ветеринария бошқармаси бошлиғи А.Хашимов, Тошкент вилояти Ҳайвонлар касалликлари ва озиқ-овқат маҳсулотлари хавфсизлиги ташхис маркази директори Ҳ.М.Ҳамраев, Оққурғон туман Ободонлаштириш бошқармаси ит тутиш бригадаси вакиллари ҳамда Оққурғон туманида фаолият юритаётган хўжалик юритувчи субъект раҳбарлари иштирок этилди.

Шахсий сайёр қабул давомида қўйидаги жисмоний шахслар ва юридик шахсларнинг вакилларининг мурожаат ва таклиф ҳамда мулоҳазалари қабул қилинди:

1. Оққурғон тумани “Секизбаев” с/зи, 5-бўлим, “Шоҳруҳия” МФЙда яшовчи фуқаро Умринисо Дўсматова: “Ўғлим Дўсматов Одилжон Жўрахон ўғли бир неча йиллардан буён кўз хасталик касалли билан касал бўлиб юрибди, даволатиш учун бир неча касалхона ва ташкилотларга мурожаат қилдим, лекин даволаб бўлмаяпди. Таниш врачлар томонидан ушбу касалликни фақат Тошкентда Республика кўз касалликлари касалхонасида даволатса бўлар экан деб, маслаҳат беришди. Мен Тошкентга ушбу касалхонага кўп марталаб мурожаат қилдим. Лекин менга ўғлимни даволатиш учун ордер беришмаяпди, шу ахволда кетаверсак, яқинда ўғлим умуман кўр бўлиб қолади. Менга ушбу Республика кўз касалликлари касалхонасига ордер олишда амалий ёрдам бериш юзасидан” ёзма мурожаати қабул қилинди.

Ушбу масала юзасидан:

Мурожаат конунда белгиланган тартибда қабул қилиниб, Ўзбекистон Республикасининг “Жисмоний ва юридик шахсларнинг мурожаатлари тўғрисида”ги Қонуннинг 25-моддасига асосан тегишлилиги бўйича юборишни ва юборилганлиги тўғрисида қўмита томонидан мурожаатчига ёзма маълумот берилиши маълум қилинди.

2. Оққурғон тумани ветеринария бўлими бошлиғи М.Мустафокулов: “Туман ветеринария бўлими балансида 2006 йилда ишлаб чиқарилган эски, таъмирлаш учун кўп маблағ талаб этаётган “ДАМАС” русумли автоулови борлиги, ушбу автоуловни хисобдан чиқаришда ва янгисини олишда амалий ёрдам бериш тўғрисида оғзаки мурожаати қабул қилинди.

Ушбу масала юзасидан:

Тошкент вилояти бошқармаси бошлиғига кўрсатиб ўтилиб, кўтарилиган масалани конунда белгиланган муддат ичида ҳал этиш ва мурожаат муаллифига бажарилган ишлар тўғрисида маълумот бериш вазифаси юкланилди ва мурожаат муаллифига маълум қилинди.

Шахсий сайёр қабул жараёнида кўтарилиган масалалар ва берилигтан кўрсатмалар ижросини назорат қилиш Давлат ветеринария қўмитаси жисмоний ва юридик шахсларнинг мурожаатлари билан ишлаш шўъба мудири А.Усмонов зиммасига юклатилди.